

Latit.
Gr. Scr.

Longit.
Gr. Scr.

110 INDEX GEOGRAPHICUS.

pro de Ur Chaldæorum, verbi significationem, pro loci nomine proprio interpretata) sed ex pluribus Scripturæ Sacræ locis & ex aliis authoribus, Ur probatur esse in Mesopotamia, ubi etiam Chaldæi sint populi à Chaldæis Chaldææ; ubi Babylonia & Urchoa sunt, diversi. Act. Apost. 7. v. 2. Deus (inquit Stephanus) apparuit patri nostro Abraham, cum esset in Mesopotamia (scilicet in Ur Chaldæorum) priusquam moraretur in Charan, v. 3. Et dixit ad illum: exi de terra tua, & de cognatione tua: & veni in terram, quam monstravero tibi, v. 4. Tum exiit de terra Chaldæorum, & habitavit in Charan. Sic & Josue 24. v. 2. Hæc dicit Dominus Deus Israël: Trans fluvium (Euphratem) habitaverunt patres vestri ab initio; Thare pater Abraham, & Nachor servierunt Diis alienis, v. 3. Tuli ergo patrem vestrum Abraham de Mesopotamiæ finibus, & adduxi eum in Terram Chanaan. Sic & Judith 5. cum Holeferni, qui nam essent Israëlita, petenti respondet Achior Dux filiorum Ammon: v. 6. Populus iste ex progenie Chaldæorum est. v. 7. hic primum in Mesopotamia habitavit, & quoniam noluerunt sequi Deos patrum suorum, qui erant in terra Chaldæorum. v. 8. Deferentes cæremonias patrum suorum, quæ in multitudine Deorum erant. v. 9. Unum Deum cæli coluerunt, qui & præcepit eis, ut exirent inde &c. Ex quibus locis facile perspicitur, Abraham primum habitasse in Ur Chaldæorum, quæ sit in Mesopotamia, tum & in Haran, quæ etiam in Mesopotamia, & tandem in Terra Chanaan. Unde Genes. 11. v. 31. Tulit Thare Abram filium suum, & Lot.... & eduxit eos de Ur Chaldæorum, ut irent in Terram Chanaan, veneruntque usque Haran, & habitaverunt ibi, scilicet per annos aliquot; nam Thare mortuo, c. 12. v. 4. 5. Abraham & Lot venerunt in Terram Chanaan. Hæc ex utroque Testamento satis superque demonstrant, Ur Chaldæorum in Mesopotamia esse. Sed & Chaldæos ibidem fuisse probari potest ex Xenophontis lib. 3. de Institutione Cyri: ubi multoties Chaldæos Armeniæ contiguos facit. Et ex Josephi lib. 1. Antiq. c. 8. qui Chaldæos & Mesopotamios in populum unum confundere videtur, eosque odio Abrahamum habuisse, & in eum insurrexisse ait. Sic & Ur Castellum in Mesopotamia deprehenditur ex Ammian. Marcell. lib. 25. cum, Juliano extincto, Romanus exercitus à Ctesiphonte Nisibin rediens Tigrim trajecit, & inter Tigrim & Nisibin Castellum Ur in itinere offendit. Loci autem situs non inter Tigrim & Nisibin est, qua brevissimum iter à fluvio ad Nisibin; sed inter Tigrim, quæ fluvium trajecerunt Romani (inter Seleuciam & Ninivem) & Nisibin.

Us. Vide Hus.

17. o. 73.

Ufal, Uzal, inter filios Jectan sextus, Genes. 10. v. 27. & 1. Paral. 1. v. 21. Sedes ipsi, ipsiusque posteris in Arabia Fœlici dat Bochartus; ubi hodiè Sanaa metropolis regni Uzal, idque probat ex Judæis & Arabibus, qui hac voce hodieque utuntur.

X.

32. 31. 66. 37. $\frac{1}{2}$

Xaloth. Joseph. 3. Bell. c. 4. Inferioris Galilææ latitudo patet à vico Xaloth, qui in campo magno situs est, usque ad Bersoben, unde etiam superioris Galilææ latitudo incipit ad usque Baca.

Z.

Zabadæi. vide Nabajoth; unde Nabathæi. Zabathæi pro Nabathæis male scriptum est.

Za-